

焦氏易林

一三

焦氏易林

PDG

易林卷第十三



離下兌上

革

剝喜至豐來坐立樂坐立動

馬服長股宜行善布蒙祐諧偶獲金
五倍

布當作市

之乾

不

高原峻山陸土少泉草木林麓嘉得
所畜

無註

坤

一門二關結緝不便峻道異路日暮
不到

無註

屯

憂禍解除喜至慶來坐立權門與樂
為隣

無註

蒙

殊類異路心不相慕牝牛牡獫狝無
室家

獫音加牡豕也

需

太王爲父季歷孝友文武聖明仁政
興起旦隆四國載福綏厚

中庸武王纘大王王季文王之緒
壹戎衣而有天下

訟

臨河求鯉燕蛇失餌屏氣攝息不得
鯉子

無註

師

買利求福莫如南國仁德所在金玉

爲寶

無註

比

白虎赤憤闕觀王庭宮闕被甲大小
出征天地煩潰育不能嬰

無註

小畜

子車鍼虎善人危殆黃鳥悲鳴傷國

無輔

詩黃鳥哀三良也秦穆公卒以子
車氏之三子爲殉云交交黃鳥止
于楚誰從穆公子車鍼虎

復

兩目失明日暮無光脛足跛步不可
以行頓於丘傍

無註

恭

羅網四張鳥無所翔征伐困極飢窮
不食

無註

否

伯夷叔齊貞廉之師以德防患憂禍
不存

伯夷叔齊孤竹君之二子也武王

伐紂叩馬而諫義不食周粟孔子
曰伯夷叔齊餓于首陽之下民到
于今稱之

同人

疾負望幸使伯行販開牢擇羊多得

大牂

無註

大有

南山之陽華葉鏘鏘嘉樂君子爲國
寵光

無註

謙

東壁餘光數暗不明主母嫉妬亂我
業事

東壁星名

豫

迷行晨夜道多湛露
藏我袴襦重不可涉

無註

隨

目睨足動喜如其願
舉家蒙寵

漢書眼睨得酒肉
睨如倫切目動之貌

蠱

鷹鷂欲食雉兔困急逃頭見尾爲害
所賊

無註

臨

鼻移在項枯葉傷生下朽上榮家擾
不寧失其金城

無註

觀

飛不遠去法爲罔待祿養未富

無註

噬嗑

側基敗宮重舌作凶被髮長夜迷亂
相誤深亡吉居

無註

賁

亥午相錯敗亂緒業民不得作

無註

剥

野麋畏人俱入山谷命短不長爲虎
所得死於牙腹

無註

復

秋冬探巢不得鵲雛銜指北去愧我

少姬

無註

无妄

雙鳧俱飛欲歸稻池經涉藿澤爲矢
所射傷我胷臆

無註

大畜

天門開闢牢戶寥廓桎梏解脫拘囚
縱釋

桎音只梏音谷拘音拘

頤

尼父孔丘善釣鯉魚羅釣一舉得獲
萬頭富我家居

史記世家曰孔子名丘字仲尼世
稱爲尼父語云子釣而不網

大過

彭君爲妖暴龍作尖盜堯衣裳聚跖

荷兵青禽照夜三日夷亡

彭君一卦作彭名妖作娛暴作白
衣作舜聚作桀夜作火見比之蒙

坎

華言風語亂相誑誤終無凶事安寧

如故

無註

離

逃頸見足身困不辱欲隱避仇為害

大所賊

無註

咸

無足斷跟居處不安凶惡為殘

跟音根

恒

三人俱行北求大牂長孟病足倩季

負囊囊柳下之貞不失我糧

無註

遜

退飛見祥傷敗毀墜守小失大功名
不遂

無註

大壯

持心懼怒善數搖動不安其處散災

府藏無有利得

無註

晉

牽尾不前逆理失臣惠朔以奔

春秋桓公十六年左公子洩右公子職立公子黔牟衛侯朔出奔齊

明夷

祿如周公父子俱封

周公周之冢宰其子伯禽封魯侯
家人

吾有八人信允篤畝爲堯所舉

八元八凱之德曰齊聖廣淵明允
篤誠畝當作誠

睽

久陰霖雨泥塗行潦商人休止市空
無寶

無註

蹇

無足斷跟居處不安凶惡為殘

跟音根

解

馬蹄躑車婦惡破家青蠅污白恭子

離居

青蠅詩篇名青蠅污穢能變白黑

春秋左傳晉獻公嬖驪姬驪姬欲
立其子奚齊諸毀群公子及世子
申生恭子即申生也

損

樽樽不言莫如我垣歡樂堅固可以
長安

樽音樽

益

懿公淺愚不深受謀無援失國為狄
所賊

春秋閔公三年狄人伐衛懿公好
鶴鶴有乘軒者將戰國人皆曰使
鶴遂為狄所滅

夫

騏驎綠耳章明造父伯夙奉獻襄續
厥緒佐文成霸為晉元輔

按史記趙世家造父取驪駒綠耳
以獻於周穆王王賜之趙城其後
生趙夙輔晉獻公伐霍夙之後生
衰事晉文公遂霸諸侯

始

駕車八里求鮮魴鯉非其肆居自令
後市

無註

萃

求獐嘉鄉惡地不行道止中遷復反
其牀

無註

升

杖鳩負裝醉卧道傍不知何公竊我
錦囊

老人食多咽故刻杖爲鳩取鳩食

不咽之義出白帖

困

登崑崙入天門過糟丘宿玉泉同惠
歡見欣君

崑崙之墟在西北方去嵩高五萬
里地之中其高萬一千里出五色
雲氣泰山有大小天門仰視天門
如從穴中望天窗糟丘玉泉未詳

井

水爲火壯患厭不起季伯夜行與喜相逢

無註

鼎

烏孫氏女深目黑醜嗜欲不同過時無偶

烏孫國名其女目深而醜黑也

震

子鉏執麟春秋作元陰聖將終尼父
悲心

左傳哀公十四年春西狩於大野
叔孫氏之車子鉏商獲麟孔子作
春秋

艮

灼火泉原釣魴山顛魚不可得炭不

可燃

無註

漸

天馬五道炎火久處往來上下非文
釣已衣衰絲麻相隨在歌凶惡如何
未詳

歸妹

鷓鴣破斧冲人危殆賴旦忠德轉禍

爲福頃危復立

鳴鴉破斧皆豳風詩篇名言周公
誅管蔡以安周室之事

豐

杜飛門啓憂患大解不爲身禍

無註

旅

石門晨開荷費疾貧遁世隱居竟不

逢時

石門即論語所謂晨門掌晨啓門
之人與荷蕢等皆賢而隱者

巽

兔聚東郭衆大俱獵圍缺不成無所
能獲

東郭魏海內之狡兔

允

三羊群走雉兔驚駭非所畏懼自今
勞苦

無註

渙

羽翮病傷無以爲強宋公德薄敗於
水泓

魯僖公二十二年宋襄公及楚人
戰于泓宋師敗績

節

姬姜雅叔三人偶食論仁義福以安
王室

周公姬姓太公姜姓二人夾輔周
室雅叔未詳

中孚

精誠所在神爲人輔德教之中彌世
長久三聖乃興多受福祉

無註

小過

岐周海隅獨樂不憂可以避難全身
保才

文王生於岐周太公辟紂居東海
之濱

既濟

孤獨特處莫依爲輔心勞志苦

無註

未濟

碩望登臺意常欲逃賈辛醜惡妻不
安夫

春秋魯昭公二十八年魏獻子謂
賈辛曰昔賈大夫惡娶妻而美三
年不言不笑

三三鼎

巽下
離上

鼎

積德之至君政且溫伊呂服肱國富
民安

伊尹相湯呂望興周

之乾

頃筐卷耳憂不得傷心思故人悲慕
失母

按詩傳頃歆也筐竹器卷耳梟耳
葉如鼠耳叢生如盤言后妃以君

子不在而思念之故賦此詩託言之也

坤

卻叔賈貸行祿多悔利無所得

無註

屯

蹙狂跛衽辟坐不行弃損平人名字

無中

無註

蒙

文王四乳仁愛篤厚子畜十男無有折夭

按淮南子云文王有四乳

需

容民畜衆不離其居

無註

訟

三推相逐蠅墜釜中灌沸淹殮與毋
長決

無註

小畜

東家殺牛聞臭腥臊神背不顧命衰
絕周亳社災燒宋人夷誅

周易既濟九五東隣殺牛不如西

隣之禴祭春秋魯哀公四年六月
辛丑亳社災公羊注云何以書記
災也

比

陸居少泉高山無雲車行千里塗汚
尔輪亦為我患

無註

師

所望在外鼎令方來拭爵澡壘炊食
待之不爲季憂

無註

履

長子入獄婦饋母哭霜降旬日鄉晦

伏法

無註

泰

温山松栢常茂不落鳳凰以庇得其
歡樂

無註

否

大屋之下朝多君子德施博育宋受
其福

無註

同人

羅張目決圍合耦缺魚鳥生脫

無註

大有

羔裘豹祛高易我字君子維好

詩鄭風羔裘之詩曰羔裘豹飾孔
武且力此刺朝之詩也

謙

大頭明目載受喜福三雀飛來與祿

相得

無註

豫

消鋒鑄刃縱牛放馬甲兵解散夫婦
相保

史記武王勝殷包藏弓矢戢弭干
戈以示弗用歸馬于華山之陽放
牛于桃林之野以示弗服

隨

吉日舉釣田弋獵禽反行飲至以告

喜功

吉日詩篇名美宣王田也

蠱

商人行旅資無所有貪貝逐利留連
玉帛馭轅內安公子何咎

無註

臨

火井暘谷揚芒生角犯歷天門闕見
太微登上玉牀家易共公

無註

觀

秋隼東翔數被嚴霜甲兵庭堂萬物
不生雞釜夜鳴民擾大驚

無註

噬嗑

東行西步失其次舍乾侯野井昭君
喪居

春秋昭公二十五年九月戊戌伐
季氏叔孫氏孟氏救之三家反攻
公巳亥公孫于齊次于陽州二十
六年三月公至自齊居于鄆三十
二年薨于乾侯齊侯唁公于野井

賁

腫頸病腹陷廁污辱命短時極孤子
哀哭

春秋晉侯有疾張如廁陷而卒

剝

切膚近火虎絕我鬚小人橫暴君復
何之

無註

復

女室作毒爲我心疾和不能治晉人

赴告

春秋魯昭公元年晉侯求醫於秦
秦伯使醫和視之曰疾不可爲也
是謂近女室疾如蠱庚戌卒

无妄

兵征大宛北出玉門與胡寇戰平城

道西七日無糧身幾不全

大宛國名單于圍漢祖白登七日

大畜

九子十夫莫適與居貞心不壹自今

老孤

無註

頤

東行稻麥遂至家國樂土無灾君父

何憂

無註

大過

作室山根所以爲安一夕崩顛破我

甕

無註

坎

六人俱行各遺其囊黃鵠失珠無以

爲明

無註

離

伯蹇叔盲莫爲守裝失我衣裘我是

陰鄉

無註

咸

褒寵洒尤敗政傾家覆我宗國秦滅

周室

周幽王寵褒姒廢申后并太子宜
曰申侯怒與西夷犬戎攻幽王虜
褒姒其後秦卒滅周

恒

該言譯語仇禍相得冰入炭室消滅
不息

無註

避

彭名爲妖暴龍作尖盜堯衣裳聚跖
荷兵青禽照夜三旦夷亡

妖作娛暴作白衣作舜聚作桀夜
作火見比之蒙

大壯

朝露白日四馬過隙歲短期促時難
再得

李斯傳胡亥曰人生猶騁六驥過
決隙

晉

耳闕道衰所爲不成求事匪得

無註

明夷

申公患楚危不自安重耳出奔側喪
其媿

春秋成公七年楚共王即位子重
子反滅申公巫臣之族申公亡之
晉重耳晉文公名僖公四年被驪
姬之譖出奔蒲

家人

南上太山困於此桑左砂右石牛馬
無食

無註

睽

海隅遼右福祿所在柔嘉蒙禮九夷
何咎

東方之夷有九種

蹇

陽春生長萬物茂壯垂枝布葉君子

比德

無註

解

低頭竊視有所畏避行伯不利酒酸
魚敗衆若貪嗜

無註

損

左輔右弼金玉滿櫃常盈不亡富於
教倉

無註

益

坐朝乘軒據德宰民虞舜受命六合
和親

書舜典曰若稽古帝舜玄德升聞
乃命以位

夫

東行西坐喪其犬馬南求驩駟失車

林下

無註

姁

砥德礪材果當成周拜受大命封為

齊侯

春秋太公呂望起漁釣為周文王
師號師尚父佐定天下以功封為

齊侯

萃

西逢王母慈我九子相對懽喜王孫
萬戶家蒙福祉

無註

升

安坐玉牀聽韶行觴飲福萬歲日受
無疆

韶舜樂書簫韶九成鳳凰來儀

困

登高望家役事未休王政靡盬不得
逍遙

詩四牡篇云王事靡盬不遑將父
此勞使臣而作也

井

擊鼓陷陔不得相踰章父文德福厭
禍消

陔階次也按禮有陔夏樂謂擊鼓

棟
為登階之節章甫冠名陷當作蹈

父與甫同

革

追亡逐北呼還幼叔至止而復得反
其室

無註

震

老猾大偷東行盜敖困於噬敖幾不

得去

無註

良

禹召諸侯會稽南山執玉萬國天下

康安

史記禹南巡狩會諸侯于塗山執

玉帛者萬國

漸

怵怵怵怵如將不活黍稷之恩靈輒
以存獲生保年

按春秋魯宣公二年晉宣子舍于
翳桑見靈輒餓食之及靈公欲殺
宣子輒倒戟以禦公徒而免之

歸妹

侯叔興起季子富有照臨楚國蠻荆

是安

季子即魯大夫季孫氏專國政孔子稱季氏富於周公按春秋魯昭公七年楚子成章華之臺願與諸侯落之遠啓強曰臣能得魯侯來召公辭曰昔先君成公命我先大夫嬰齊曰吾不忘先君之好將使衡父照臨楚國鎮撫其社稷以輯寧爾民

豐

白馬駢駁更生不休富我商人利得
如丘

駢音留駁音博

旅

灼火泉原釣魴山顛魚不可得炭不
可燃

無註

巽

避患東西反入禍門糟糠不足憂動

我心

無註

允

成王多寵商臣惶恐生其禍心使君

危殆

商臣楚成王世子逢蠹目而豺聲卒

與
為亂成王死事見春秋文公元年

渙

虎飲欲食見狷而伏禹通龍門避咎
除患元醜以安

史記龜策傳云郭璞曰狷能制虎
狷刺端分兩岐似鼠少犯近則毛
刺攢起如矢也神禹治水鑿龍門
在夏陽馮翊縣當大河之中

節

安民呼池玉杯大按泉如白蜜一色

獲願

紂爲酒池玉杯象筋以侈周武王

伐之

中孚

雙鳧鴛鴦相隨君行南至饒澤食魚
與梁君子與長

無註

小過

蔡侯朝楚留連江渚踰時歷月思其君后

魯定公三年冬蔡昭侯適楚獻裘於昭王昭王服之以享蔡侯蔡侯亦服其一子常欲之弗與三年止之

既濟

膠車駕東與雨相逢五祭解墜頓阨
獨坐憂爲身禍

五祭當作五祭

未濟

螟蟲爲賊害我稼穡盡禾殫麥利無
所得

螟食苗心蟲害稼穡者也

☳
震上震
下震

枯瓠不朽利以濟舟渡踰河海無有
溺憂

無註

之乾

陷塗溺水火燒我履憂患重累

無註

坤

且生夕死名曰嬰鬼不可得視

無註

屯

揚水潛鑿使君潔白衣素附珠遊戲
皐浚得其所願心志娛樂

浚當作沃詩揚之水刺晉昭公也
昭公分國以封沃沃盛彊國人將
叛而歸沃焉揚之水白石鑿鑿素

衣朱褌從子于汙既見君子云何
不樂

蒙

衆鳥所翔中有大恠九身無頭魂驚
魄去不可以居

無註

需

則根枯株不生肌膚病在於心日以

焦枯

無註

訟

府藏之富王以振貸捕魚河海筍笮
多得

筍當作笮笮當作罔

師

一莖九纏更相牽攣宿明俯仰不得

東西請獻當報日中被刑

無註

比

耄老鮐背齒牙動搖近地遠天下入

黃泉

詩黃耇鮐背言老人背若鮐魚也

小畜

羊舌叔虎野心善怒瀆貨無厭以滅

其身

羊舌虎晉叔向弟也生美而有勇
力魯襄公二十一年范宣子以其
爲欒盈之黨殺之

履

謀疑八子更相欺給管叔善止不見

邪期

東未詳

泰

天伴跳不遠心與言反尼丘顧家茅葦

朱筆

未詳

否

蚘蟬載盆不能上山搖推趺踈頓傷
其顏

載當作戴蚘蟬蠹有翼者蟬蟬戴

盆即虺蜉撼大樹之義量小而望
大也

同人

朝露不久爲恩惠少膏澗欲盡咎在

枯槁

澗當作潤

大有

河伯之功九州攸同載祀六百光烈

無窮

載祀六伯商之曆數也商頌曰奄
有九有即九州也又曰濬哲維商
長發其祥洪水茫茫禹敷下土方
帝立子生商蓋商之封國在禹治
水之時也

謙

三人北行大見光明道逢淑女與我

驥子

無註

豫

金精曜怒帶鈞通午徘徊高庫宿於
木下兩虎相拒弓弩滿野

鈞當作劍通當作過

隨

江河淮海天之奧府衆利所處可以

富有好樂喜友

無註

盡

不虞之患禍生無門奄然暴卒病傷

我心

無註

臨

畫龍頭頰文章未成甘言美語說碎

無名

無註

觀

缺破不成胎卵不生不見兆形

無註

噬嗑

旁行不遠三里復反心多畏惡日中

止舍

無註

賁

四隕不安兵革爲患掠我妻子家履

飢寒

無註

剝

喜來如雲嘉福盈門衆才君子舉家

蒙權

無註

復

載金販狗利奔我走藏匿淵底折悔
爲咎

無註

无妄

日中爲市各抱所有交易貨賄函珠
懷寶心悅懽喜

易繫辭日中爲市致天下之民聚
天下之貨交易而退各得其所蓋
取諸噬嗑

大畜

月步日趨周遍次舍經歷致遠無有
難處

無註

頤

陽明失時陰凝爲憂主君哀泣喪其

元侯

無註

大過

年衰歲暮精魄遊去形容消枯喪子

恩呼

無註

坎

見繫辭曰中爲市煙天下之月聚

少無功績老困失福跂行徙倚不知
所立

無註

離

持心瞿目善數搖動自東徂西不安
其處散渙府藏無有利得

瞿其俱切鷹隼視也

咸

賈貝贖狸不聽我碎繫於虎鬚牽不
得來

無註

恒

老狼白獠長尾大胡前顛卻躑無有
利得

無註

遜

背地相憎心志不同如火與金君猛
臣慢虎行兔伏

無註

大壯

夏臺牖里湯文阮處鬼侯獸醢歧人
悅喜

牖當作姜湯囚夏臺文王拘姜里

史記西伯九侯鄂侯爲紂三公紂

醢九侯徐廣曰九侯一作鬼侯

晉

牙孽生齒螳螂啓戶幽人利貞鼓翼

起舞

一作牙孽生達見遯之兌

明夷

列女無夫閔思苦憂齊子無良使我

心愁

齊子齊襄公妹魯桓公夫人事見
詩齊風南山篇

家人

踐履危難脫阨去患入福喜門見悔
大君

無註

睽

折辭接手不能進酒祈祀閑曠神怒

不喜

無註

蹇

蟻封戶穴大雨將集鵲起數鳴牝雞
歎室相夢雄父未到在道

無註

解

胡俗戎狄太陰所積固冰沔寒君子

不存

汙當作汙

損

翕翕鞣鞣稍頽崩顛減其令名身不
得全

翕音吸鞣音田

益

災蟲爲賊害我稼穡盡禾單麥秋無

所得

無註

夬

三幸飛來自我逢時俱行先至多得

大利

無註

姤

龍馬上山焦無水泉喉焦唇乾渴不

能言

無註

萃

春生孳乳萬物繁熾君子所集禍災
不到

無註

升

王孫季子相與爲友明允篤誠升擢

薦舉

史記高陽氏有才子八人謂之八
愷高辛氏有才子八人謂之八元
堯未及舉舜於是舉八愷使主后
春土舉八元使布五教

困

六明並照政紀有統秦楚戰國民受
其咎

無註

井

蝮螫充側佞人所惑女謁橫行正道
壅塞

蝮螫詩篇名言蝮螫在東而人不
敢指以比淫奔之惡人不可道况
女子有行又當遠其父母兄弟

革

登崑崙入天門過糟丘宿玉泉問惠
權見欣君

崑崙之墟在西北方去嵩高五萬
里地之中其高萬一千里出五色
雲氣泰山有大小天門仰視天門
如從穴中望天窻糟丘玉泉未詳

鼎

體重飛難未能越關不啻留垣上下

墟塞心不遑安

無註

良

玄黃虺隤行者勞寵役夫憔悴踰時
不歸

詩卷耳后妃以君子不在而思念
之曰陟彼崔嵬我馬虺隤又云陟
彼高岡我馬玄黃又云我僕痛矣

云何吁矣

漸

孔德如玉出於幽谷飛上高木鼓其
羽翼輝光照國

無註

歸妹

火雖熾在吾後寇雖衆出我右身安
居不危殆

無註

豐

旃裘羶國文禮不飾跨馬控絃伐我
都邑

無註

旅

被髮八十慕德獻服邊鄙不聳以安

王國

無註

巽

心得所好口常爲笑公孫蛾眉雞鳴

樂夜

無註

兌

馬能負乘見邑之野并獲柒稻喜悅

无咎

無註

節

東行西步失其次舍乾侯野井昭君
喪居

按春秋昭公二十五年公孫于齊
次于陽州至于野井二十六年居
于鄆三十二年卒于乾侯

渙

高飛視下貪叨所在腐臭爲患害於
躬身

無註

中孚

神鳥五采鳳凰爲主集於山谷使年
歲有

無註

小過

石門晨關荷蕢疾貧遁世隱居竟不
逢時

石門地名關當作啓語云有荷蕢
而過孔氏之門者註云荷蕢隱士

既濟

翻齧齧貧鬼相責無有懽怡一日

九結

翻玉篇無齧倪結切噬也

未濟

白日揚光雷車避藏雲雨不行各止
其鄉

無註



艮上艮下

君孤獨處單弱無輔名曰困苦

無註

之乾

憂驚已除禍不爲災安全以來

無註

坤

穿匏挹水篝鐵燃火勞罷力竭飢渴
爲禍

匏瓠也

屯

蹇牛折角不能載粟災害不避年歲

無穀

無註

蒙

邑將爲虛居之憂危

無註

需

根則殘樹華葉落去卒逢火焮隨風
僵仆

焱音焰

訟

元后貪欲窮極民力執政乖牙爲夷
所偪

牙當作互

小畜

辰次降婁王駕巡時廣祐施惠國安

無憂

降婁星名

比

高源峻山陸土少泉草木林麓嘉禾

所炎

無註

師

北山有棗使叔壽考東領多粟宜行
賈市陸梁雌雉所至利害

長語山梁雌雉時哉時哉

履

鞫鞫鞫鞫歲暮偏弊寵名損弃君衰
於位

鞫音田鞫音雷

泰

放銜委轡犇亂不制法度無恒君失
其位

無註

否

獨坐西垣莫與言
笑秋風多哀使我
心悲

無註

同人

脛急股攣不可出門
暮速歸旅必爲
身患

無註

大有

情偽難知使我偏頗小人在位雖聖
何咎

無註

謙

黍稷醇醲敬奉山宗神嗜飲食甘雨
嘉降庶物蕃廡時無災咎

詩甫田篇云以祈甘雨以介我稷
黍又楚茨云神嗜飲食卜爾百福

豫

公子王孫把彈攝丸發輒有獲室家
饒足

無註

隨

陰升陽伏舜失其室慈母赤子相饑

不食

無註

蠱

七竅龍身造易八元法則天地順時
施恩利以長存

聖人心有七竅伏犧蛇身人首遇

河中龍馬負圖則而書之以畫八

卦

臨

逐狐東山水逼我前深不可涉失利
後便

無註

觀

銜命辱使不堪其事中墜落去更爲
負載

無註

噬嗑

無言

溫仁君子忠孝所在入閨爲儀禍苗
不處

無註

賁

春多膏澤夏潤優渥稼穡成熟畝獲
百斛師行失律霸功不遂

易師象曰師出以律失律凶也

剥

二女共室心不聊食首髮如蓬憂常
在中

賁

無註

復

築關石顛立本泉源疾病不安老狐
為鄰

無註

无妄

欲避凶門反與禍隣顛覆不制痛薰
我心

無註

大畜

跋行竊視有所畏避狸首伏藏以夜

爲利

無註

頤

八面九口長舌為斧劈破瑚璉殷商

絕後

未詳

大過

和氣相薄膏澤津液生我嘉穀

無註

坎

消金殿兵雷車不行民安其鄉

無註

離

秦儀機言解其國患一說燕下齊襄
以權

蘇秦主從張儀主衡秦事燕儀事
秦張儀歸報秦王復使東說齊

咸

旦奭王輔周德孔明越裳獻雉萬國
咸康

周公旦召公奭二人夾輔周室以
致周家疆盛交趾南有越裳氏重
三譯而來獻白雉

恒

弱足則跟不利出門賈市無盈折亡
爲患

無註

遊

堅冰黃鳥帝哀悲愁不見白粒但覩
梨蒿數驚鷲鳥爲我心憂

無註

大壯

魂微愒愒屬續聽絕曠然大通復更
生活

懈音輟

晉

陰生獐鹿鼠舞鬼哭靈龜墜處一云
靈鼠陸處鬼哭鼠舞雨旣草生仁知
敗國桀亂無緒

無註

明夷

諸石攻玉無不穿鑿龍體具舉魯班

爲輔 麟鳳成形德象君子

無註

家人

山作天時陸爲海口民不安處

無註

睽

東風啓戶隱伏歡喜萌庶蒙恩復得
我子

無註

蹇

華燈百枝稍暗衰微精光欲盡奄如
灰靡

無註

解

三十無室寄宿桑中上宮長女不得
來同使我失期

無註

損

夙與石鬪糜碎無疑動而有悔出不
得時

無註

益

秦兵爭強失其貞良敗於殽鄉

秦穆公違蹇叔之諫命孟明伐晉

師敗于穀

夫

虎除善猛難爲攻醫驥窮鹽車困於
銜箠

驥良馬服鹽車而上太行之阪遇
伯樂輒長鳴出戰國策

遘

操笥搏狸荷弓射魚非其器用自令

心勞

無註

萃

葵丘之盟晉獻會行見太宰辭復爲
還輿

按春秋僖公九年齊侯盟諸侯于
葵丘宰孔先歸遇晉侯曰可無會
也齊侯不務德而勤遠畧無勤於

行晉侯乃還

升

臆詐龐子夷竈盡敗兵伏卒發矢至
如雨魏師驚亂將獲爲虜消死樹下
史記齊軍入魏地用孫臆之計減
竈以示怯伏兵馬陵期暮見舉火
則發諸軍如約萬弩夾道而起魏
兵大敗龐消自剄死虜太子申

困

南行出城世得天福王姬歸齊賴其所欲

詩何彼穠矣王姬下嫁於諸侯而作也其曰平王之孫齊侯之子註云平王即平王宜曰齊侯即襄公諸兒事見春秋

井

冬采微蘭地凍堅難利走室北暮無
所得

無註

革

王僑無病狗頭不痛亡履失履之我
送從

僑當作喬古仙人名一作三尸失
履見隨之解狗作苟見謙卦

鼎

宛馬疾步盲師坐御目不見路中宵
不到

漢大宛有良馬

震

求利難國亡去我北憂歸其城反爲
吾賊

無註

漸

比目四翼安我邦國上下無患爲吾

喜福

無註

歸妹

八材旣登以成股肱厖降庭堅國無

災凶

高陽氏才子厖降庭堅其二子也

豐

稍弊穿空家莫爲宗爲身作凶一云
宗字下云奴婢逃走子西父東

無註

旅

鳥舞國城邑懼卒驚仁德不修爲下
所傾

無註

巽

三穀不熟民苦困急亟之南國嘉樂
有得

無註

允

黃裳建元福德在身祿祐洋溢封爲
齊君賈市無門富寶多殮

易坤六五黃裳元吉文在中也

渙

齊東郭廬嫁於洛都驪婦美好利得
過倍

齊棠公之妻東郭偃之姊也驪婦
晉獻公之嬖人也

節

安牀厚褥不得久宿弃我嘉宴困於
南國投杼之憂不成禍尖

戰國策秦甘茂曰魯人與魯參同
姓名者殺人人告其母母曰吾子
不殺人織自若三告之其母懼投
杼踰垣而走

中孚

內崩身傷中亂無常雖有美粟不我
食得

無註

小過 彖第十三

出門逢患與禍爲怨更相擊刺傷我
指端

無註

既濟

出入節時南北無憂行者函至在外
歸來

無註

未濟

公孫駕驪載游東齊延陵說產遺季
紵衣

左傳產鄭大夫子產季吳公子季
札聘於鄭子產獻以紵衣

易林卷第十三